

# Passighjate

Vecu à nant' à l'acqua i riflessi d'altronde  
I disegni invintati da e fate marine  
È a dolce carezza di l'ore matutine  
M'invita à u viaghju per'sse stese prufonde

Fidà mi à u ventu  
È lascià mi purtà

Vecu à l'infinita corre i raghji d'oru  
Alliscendu u celu, basgiendu a cunfina  
È una voce linda, una voce turchina  
Mi dice veni quì à coglie'ssu tisoru

Fidà mi à u ventu  
È lascià mi purtà  
Fidà mi à u ventu  
È lascià mi purtà  
S'è i sogni sò centu  
Centu ne vogliu fà

Vecu à l'ore stillate cellu è mare cunfusi  
In u stranu cumbergliu u mondu sottu sopra  
È in ogni artificiu chì a natura adopra  
Annica si l'angosce è i sperà dilusi

Fidà mi à u ventu  
È lascià mi purtà

Vecu à u fà di l'alba'sse fiure dissinsate  
' Ssi culori scimiti esse torna armonia  
È fraià u mio sguardu d'un morsu di sulia  
Rinnuvendu a chjama à tante passighjate

Fidà mi à u ventu  
È lascià mi purtà  
Fidà mi à u ventu

È lascià mi purtà  
S'è i sogni sò centu  
Centu ne vogliu fà

Jean-Yves Acquaviva  
Vitalba